



Republika e Kosovës / Republic of Kosova
Komuna - Municipality
Hani i Elezit



01/Nr. 6922/2024
Data: 19.07.2024

PROCESVERBAL I KUVENDIT TË KOMUNËS

Procesverbali nga mbledhja e gjashtë -VI- e Kuvendit të Komunës, mbajtur me datë 27.06.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Majlinda Kaloshi** (Drejtoreshë për Zhvillim Ekonomik dhe Turizëm), **Lindita Ballazhi** (Drejtoresh për Buxhet dhe Financa), **Natyra Kalisi** (Drejtoresh e Administratës), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtor për Urbanizëm Kadastër dhe Mbrojtje të Mjedisit), **Abduraman Bushi** (Drejtor për Bujqësi, Pylltari dhe Zhvillim Rural), **Hisni Luri** (Drejtor për Arsim), Përfaqësues i OSB-së, **Bashkim Sopa** (Zyrtarë për Transparencë).

RENDI I PUNËS

1. Miratimi i procesverbalit nga mbledhja e kaluar.
2. Korniza afatmesme buxhetore 2025-2027.
3. Rialokimi i mjeteve në kategorinë buxhetore pasuri jofinanciare.
4. Propozim vendimi për themelimin e grupit punues për hartimin e planit të punës së Kuvendit të Komunës për vitin 2025.
5. Të ndryshme.

Kryesuesi thekson:-për pikat e rendit të punës hapi diskutimin, nëse nuk ka e hedh në votim, rezultati i votimit ishte njëzëri.

U MIRATUA RENDI I PUNËS

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Korniza afatmesme buxhetore 2025-2027.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- pas pranimi të qarkores buxhetore i kemi zhvilluar të gjitha procedurat për hartimin e kornizës afat mesme buxhetore, janë mbajtur dëgjimet buxhetore. Materialin e keni pranuar me kohë dhe nëse keni ndonjë propozim apo sugjerim mund të parashtroni.

Resul Suma thekson:- pse nuk është në asfaltimi i rrugës Hani i Elezit – Dimcë.

Sherif Berisha thekson:- edhe pse kam marr pjesë në dëgjimet që janë mbajtur me qytetarët disa propozime nuk janë përfshirë. Vërejtjet e mia janë sepse investimet kapitale janë të njëjta vetëm po barten dhe pse nuk specifikohen se ku bëhen projektet. Keni planifikuar pozita të reja por nuk shohim ndonjë ndryshim të madh në paga dhe mëdijtje krahasuar me vitin 2024. Te obligimet e arsimit dhe të shërbyesve civil a keni me i paguar dhe a keni planifikuar që vitin e ardhshëm për me i kryer këto obligime. A keni planifikuar që vitin e ardhshëm me ua paguar rrezikshmërinë inspektorëve sepse në këtë vit nuk kanë marr asgjë. Pse i keni rritur mallrat dhe subvencionet apo ndoshta mendoni me i subvencionuar militantët e juaj.

Ajnuze Thaqi thekson:-sa i përket buxhetit në vitin 2025 diferencë janë 97000 € a është e mjaftueshme kjo shumë për me i pagur borxhet për mësimdhënësit që i keni.

Mehmet Ballazhi thekson:- nëse keni qenë në dëgjimet buxhetore dhe nëse ka pasur ndonjë propozim e nuk është përfshirë mundemi me përfshirë sepse për këtë arsye bëhet korniza afat mesme për përpilimin e draft buxhetit që do të jetë më vonë. Buxheti është ky dhe jepni propozimet e juaja se ku mendoni me ndarë këtë buxhet dhe e kemi përsërit disa herë që dëshirat tona dhe nevojat e qytetarëve dhe mundësitë buxhetore pra duhet të harmonizohen në mes veti. Sa i përket se a janë paraparë mjetet financiare është mirë që ti kalkuloni sepse buxheti është i juaji dhe duhet ta miratoni, mirëpo e mira e juve është që po ua sjellim si draft. Sa i përket projektit të rrugës Hani i Elezit –Dimcë është prej gjeoportalit dhe nuk është projekt por është një kërkesë për me bërë një rrugë. Militantizëm nuk ka që kanë përfutur dhe nuk është mirë me paragjykuar athu mos e keni rrit për me i financuar militantët e juaj por është mirë që të potenconi konkretisht.

Resul Suma thekson:-edhe kur është planifikuar buxheti kam potencuar që vetëm të jetë si kodë buxhetorë dhe i di mundësitë financiare për vitin 2024 por kam potencuar që në rast se Ministria që ka dhënë premtime që do të na ndihmon në infrastrukturë qyteteve të vogla ne të mbetet aty i gatshëm për me punuar. Është projekt ideorë dhe pas pranimi teknik bëhen paramanat për me vazhduar më tutje.

Mehmet Ballazhi thekson:- është një letër prej gjeoportalit dhe mund të ja jepni kujna do, është një letër A4 që është nxjerrë për me bërë një projekt po nuk ka asnjë të dhënë, mirëpo nëse e diskutojmë që me mbet si kod për një rrugë të caktuar mundemi por ne po e kërkojmë për shkak se e kërkojnë qytetarët me ndarë aq sa është e mundshme.

Sherif Berisha thekson:- edhe në mandatin e kaluar edhe në mandatin e juaj rruga transit e fshatit Gorancë vetëm është bartë. Në seancën e kaluar kam diskutuar me emra dhe është publike. Sa i përket subvencioneve në drejtorinë e kulturës shumat janë të njëjta dhe unë e shohë në këtë mënyrë dhe kam drejtë me potencuar . Propozim kam dhënë për lehonat që nga njëqind euro ne të bëhet dyqind euro. Për kategoritë e luftës është mirë që të uleni e të bisedoni dhe ne ta bëjmë një zgjidhje

Mehmet Ballazhi thekson:-nuk është fontanë dëshirash ju po propozoni dyqind euro e unë po propozojë një mijë euro, a është më mirë se dyqind euro por ne po bisedojmë se a kemi mundësi buxhetore me përmbushë qatë nevojë që e kanë qytetarët. Nëse e bëni ju sa për qytetarët për me ju dëgjuar në televizion mos u ndalni po a kemi mundësi me i mbuluar nuk kemi për shkak se mbi pesëdhjetë përqind e mjeteve shkojnë në paga e ju mund të planifikoni se ku doni me i dedikuar dhe në fund shikojeni sa po ju del.

Sherif Berisha thekson:- nëse keni vendosë një rast mortorë me paguar nga shumë prej 170 € në 250 € nuk e shohë problem për me paguar. Unë mund të tërhiqem prej gjitha kërkesave dhe mund ti dedikojmë mjetet në shtimin e kapaciteteve të ujit për shkak se nuk shohë asgjë që keni planifikuar për ujë për shkak se ujë nuk kemi.

Mehmet Ballazhi thekson:- pse nuk ke ujë ty edhe të zezës mundesh me i thënë të bardhë edhe të bardhës e zezë por nuk e kam ndërmend me ta mbushur mendjen se a ka apo nuk ka ujë për shkak se qytetari është i kënaqur dhe unë e di që e ke mos pajtimin e sukseseve por ne kemi bërë punë të jashtëzakonshme për çështjen e rregullimit të ujit dhe është mirë të kontaktoni me qytetarë se ju mund të keni ndonjë problem personal me ujin që duhet me i bërë zgjidhje çfarëdo që të jetë por në nivel të qytetit në kërkesën e qytetarëve zgjidhja e problemit të ujit është bërë por nuk mund të them qind për qind se për cilësia e ujit jemi ti bërë analizat në mënyrë që me parë se sa është i pishëm por kapacitet të ujit dhe mjaftueshëm ujë ka, mirëpo probleme në rrjetë sigurisht që ka.

Refet Kalisi thekson:- unë i di kapacitet buxhetore për hapjen e rrugës në vendin e quajtur vorba dhe është mirë me bërë. Në debat publik i kam dhënë disa propozime dhe kërkoj që të përfshihet rrjeti i rrymës nëntokësore, nxemja në komunë me u bërë me pompë termike, propozoj që edhe trotualet me kupëza në Han të Elezit mi ndërruar.

Hanumshahe Dibrani thekson:- propozoj që të bëhet rregullimi i përroit të rruga “Ismail Qemali” që një pjesë ka mbetur pa u rregulluar

Lindita Ballazhi thekson:- projektet që janë miratuar në muajin shtatorë të vitit 2023 për vitin 2024 i keni për këtë vit. Te lista e projekteve kapitale në kornizë afat mesme janë propozimet prej ekzekutivit dhe si material shtesë e keni edhe listën e propozuar nga qytetarët për projektet kapitale të cilat sot mund ti propozoni, ty shqyrtoni dhe ty votoni. Katër zyrtarët të cilët kanë qenë në drejtori të bujqësisë kanë kaluar në agjensionin pyjorë të Kosovës dhe ato pozita kanë mbetur në administratën komunale dhe ato pozita kemi mundur me i planifikuar për pozita të reja. Sa i përket obligimeve që i kemi në arsim për kontratën kolektive nuk planifikohet nga ne sepse është obligim i trashëguar nga dikush tjetër dhe gjithçka çka është planifikuar në këtë sektorë është duke u bazuar në grantin specifik të arsimit. Sa i përket rrezikshmërisë për inspektorët unë mund të ju pyes juve se nga e dini që nuk kemi planifikuar. Sa i përket mallrave dhe shërbimeve, subvencioneve ju mund ta shihni në planet e çdo drejtorie. Sa i përket pagave se a janë të mjaftueshme unë them se janë të mjaftueshme.

Malik Berisha thekson:- propozimet e qytetarëve i lexova dhe kërkoj që të hyjnë në kode propozimet që janë më prioritare për shkak se nuk kemi buxhet me i realizuar të gjitha propozimet që i kanë dhënë qytetarët.

Hyriete Isufi thekson:- u diskutua çështja e kontratës kolektive por a po kryhet në këtë vit dhe pastaj dihet sa ka mbetur buxhet dhe vazhdojmë tutje. Në KPF kam parashtruar pyetje për administratën e shëndetësisë për njëzet e dy punëtorë, mirëpo drejtoresha është përgjigjur se është dërguar e gatshme nga Ministria dhe a mundemi ne me ndryshuar atë numër.

Zaim Bela thekson:- u potencua se është bërë shumë për ujin e pishëm të qytetit por ka ankesa por rrjeti i ujësjellësit ku shpërndahet nëpër lagje nuk e dinë askush ka shkon për shkak se sasi e ujit që prodhohet në fabrikë është e mjaftueshme por uji është tu humbur dhe propozoj që të ndahen mjete financiar për rrjetin e ujësjellësit në mënyrë që ta kemi për në të ardhmen pra të bëhet një rrjet i ri. Me atë kanal të hyjnë edhe kabllot e rrymës. Katër pozitat që kanë qenë të autoriteti pyjorë a kanë mbetur si buxhet në mënyrë që dikendë me pranuar në bujqësi për shkak se drejtori ka mbetur vetë në drejtori të bujqësisë.

Mehmet Ballazhi thekson:- kontratën kolektive në fillim por edhe në vitin që ka kaluar kam shprehur vullnetin publikisht për me i kryer pa varësisht se a kemi faj na apo nuk kemi dhe i kemi marr si borxhe dhe jemi të pafajshëm në këtë kuptim të institucionit. Jam mundur që me pasur mirëkuptim edhe me avokatët, me arsimtarë dhe me gjithë ata që janë faktor për me i zgjidhur këto probleme që së paku të kenë mundësi që me kursyer buxhetin e komunës për këto arsye që po flasim për realizim të projekteve që jemi zero por jemi nën zero, që tash që dali edhe kërkesa të tjera përveç shujtave, kualifikimit, inflacioni, orët shtesë që do të thotë buxheti i dy viteve për investime kapitale nuk është i mjaftueshëm për me i paguar këto obligime që i kemi na, ndërsa ne po diskutojmë për orientim buxheti me bërë projekte duke filluar prej rrugës baj pas në fshatin Gorancë, rrugën e Dimcës, rrugën për në Vorba dhe projekte të tjerë. Jemi në mungesë të buxhetit dhe po flasim për dëshira për projekte shtrohet pyetja se a mundemi sigurisht se jo. Çështja e kontratës kolektive nuk e dimë se a përfundon në këtë vit dhe me pasur mundësi e kishim kryer por kemi bërë kërkesa disa herë në thesar për me i ekzekutuar por nuk i kanë ekzekutuar. Sa i përket çështjes së ujit e kemi angazhuar që me bërë një projekt të tërësishëm për Hanin e Elezit për një rrjet të rijë duke filluar prej studimit të fizibilitetit në mënyrë që me ditë shumë për realizimin e këtij projekti. Ujë të mjaftueshëm ka sepse numri i banorëve nuk e kalon 8500 ndërsa ne po flasim për ujin e Dimcës që mund të jenë për 2500 banorë. Prodhohen 64000 litra në orë që do të thotë se janë tre fish më tepër sa që ka nevojë për me përdorë për shfrytëzuar atë ujë pra ujë ka të mjaftueshëm, ndërsa për çështje të keqpërdorimeve është çështje tjetër që jemi në proces që e kemi diskutuar me Bifurkacionin dhe do të del në teren me inspektoratin që e ka dhe ata merren me këtë problem se fundi fundit është në domenin e tyre për menaxhimin e ujit.

Sherif Berisha thekson:- ne po i kontaktojmë të Bifurkacionit por nuk po e hapin telefonin, ndërsa komuna potencon që kemi bërë marrëveshje dhe si qytetarë ku duhet të trokasim na si qytetarë.

Mehmet Ballazhi thekson:- nëse ty nuk e dinë ku duhet me trokitur çka do të ju themi qytetarëve por me trokit duhet edhe te na në komunë por Bifurkacioni e ka përgjegjësinë për menaxhimin e ujit dhe dera që duhet të trokitet është Bifurkacioni që edhe në shpesh herë i thërrasim në telefon.

Resul Suma thekson:- para se me proceduar në votim kërkoj të kemi një pauzë prej pesë minuta.

Kryesuesi thekson:-nëse jeni në dakord si shefa të grupeve parlamentare e bëjmë një pauzë prej dhjetë minutave. Pas pauzës vazhdojmë me seancën fjalën ka drejtoresha e financave.

Lindita Ballazhi thekson:- në kornizën afatmesme buxhetore janë ato projekte që i kemi propozuar si ekzekutiv komunal për të cilat kemi menduar se janë më prioritare për qytetarin. Sa i përket kontratës kolektive vazhdimisht e kemi dërguar për ekzekutim në departamentin por nuk është ekzekutuar dhe nuk na lejojnë që të planifikojmë mjete dhe nuk e dimë se kur do të realizohen këto pagesa të cilat rrjedhin nga kontrata kolektive pasi që tash lëndët janë me përmbarim. Numri i stafit është në sektorin e shëndetësisë primare që jo vetëm në komunën tonë por në shumë komuna ka një rritje drastike të stafit por nuk ka buxhet të lëshuar për të planifikuar atë staf, kështu që ne nuk mundemi me planifikuar staf pa financimin e tyre për shkak se nuk kemi buxhet për me financuar pagesën e atij stafi. Pozitat të cilat kanë qenë në drejtorinë e bujqësisë me buxhet kanë kaluar në agjensionin pyjorë të Kosovës dhe menaxhohen nga i njëjti agjensionë, ndërsa pozitat kanë mbetur në komunë në drejtorinë përkatëse dhe do të shohim se çka është më prioritet për komunën.

Erblin Meliqi thekson:- projekti i përroit të kollomoqeve është projekt i madh, komuna nuk mundet me realizuar për shkak të mjeteve buxhetore por është mirë me shtijë si projekt në mënyrë që përmes ndonjë donacioni me mundur me realizuar. Shkallët te lagjja e varrezave është mirë me shtijë si prioritet për vitin 2025.

Kryesuesi thekson:- janë organizuar dëgjimet buxhetore dhe janë dhënë propozimet mirëpo ne do t'i miratojmë propozimet që janë më me prioritet. Propozimi për rregullimin e rrugës baj pas dhe shpronësimi i sajë kërkoj që të hynë në kornizë afat mesme buxhetore . Rregullimi nëntokësorë i rrjetit elektrik në Han të Elezit. Rregullimi i nxehtësie me pompë termike në komunë . Vendosja e skan kodeve të varrezat e dëshmorëve. Ndërtimi i rrugës dytësore ka stacioni i policisë që bëhet fjalë për vitin 2026 për shkak mundësive buxhetore. Ndërtimi i një trotuari nga shkolla deri te shitorja në fshatin Paldenicë pra bëhet fjalë për vitin 2025 . Projektet që ka të bëjnë me ujërat atmosferikë. Rruga për te lapidari Feriz dhe Gjevdet Guri është mirë të rregullohet dhe të mirëmbahet. Rregullimi i kanalizimit të Lagjja e Musallarve dhe rregullimi i kanalizimit të Lagjja e Barmallarët në fshatin Gorancë ty hynë për vitin 2025. Shtrimi me kupza betoni te varrezat e fshatit Gorancë. Shtrimi me kupza betoni dhe asfaltimi i rrugës deri te vendi i quajtur nën breg. Zgjerimi i rrugës te Kodra e Brahimit. Rihapja dhe rregullimi i rrugës në vendin e quajtur vorba të hynë si projekt për vitin 2026.

Xhevahir Dernjani thekson:- sa i përket projekteve për fshatin Paldenicë është rruga e cila lidhet ka policia që do të thotë e lidhë Paldenicën me lagjet për rreth.

Resul Suma thekson:-rregullimi i rrugës Hani i Elezit – Dimçë propozoj që të hynë për vitin 2025 dhe për rregullimin e parqeve nuk pat asnjë kod por është mirë që parku përballë komunës me u rregulluar.

Hanumshahe Dibrni thekson:-propozoj që të bëhet rregullimi i përroit te rruga “Ismail Qemali”.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim kornizën afat mesme buxhetore së bashku me propozimet ; rezultati i votimit ishte njëzëri.

U MIRATU KORNIZA AFAT MESME BUXHETORE 2025-2027

3. Rialokimi i mjeteve në kategorinë buxhetore pasuri jofinanciare.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- kërkesa është hartuar sipas legjislacionit në fuqi. Në material janë të specifikuar në detale se në cilat projekte do të rialokohen mjetet

Refet Kalisi thekson:- shtrimi me kupza betoni te rruga “Isa Berisha” ku bëhet fjalë.

Nexhmedin Daci thekson:-ka pasur të bëjë me çështjen e lokaleve që kur të hiqen me u rregullua hapësira por është shtyrë për vitin e ardhshëm.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim rezultati i votimit ishte njëzëri.

U MIRATU RIALOKIMI I MJETEVE NË KATEGORINË BUXHETORE PASURI JOFINANCIARE

4. Propozim vendimi për themelimin e grupit punues për hartimin e planit të punës së Kuvendit të Komunës për vitin 2025.

Kryesuesi thekson:- e kemi diskutuar edhe në KPF se në këtë komision të jena anëtarët e KPF-së ashtu siç kanë qenë edhe më herët. Për këtë pikë të rendit të punës hapi diskutimin, nëse nuk ka e hedh në votim rezultati i votimit ishte njëzëri.

U PROPOZIM VENDIMI PËR THEMELIMIN E GRUPIT PUNUESË PËR HARTIMIN E PLANIT TË PUNËS SË KUVENDIT TË KOMUNËS PËR VITIN 2025

4. Të ndryshme.

Kryesuesi thekson:- për këtë pikë të rendit të punës hapi diskutimin.

Zaim Bela thekson:- në mbledhjen e kaluar kam kërkuar përgjigje me shkrim prej zyrtarit ligjor por ende nuk kam marr përgjigje. Drejtori i urbanizmit ishte përgjigjur për çështjen e legalizimeve. Kur do të na dërgohen përgjigjet me shkrimë.

Refet Kalisi thekson:- e falënderoj drejtorinë e urbanizmit për përgjigjet por numri mu duk shumë i vogël prej 52 objekteve të legalizuara por çka mendojmë për në të ardhmen. Është mirë me sensibilizuar këtë çështje për shkak se e kemi obligim ligjorë.

Resul Suma thekson:-është marr një vendim për me i kompensuar kryetarët e këshillave të fshatrave, kërkoj sqarim për procedurat.

Sherif Berisha thekson:- është një numër i madh që kanë aplikuar për kompensimin e dëmeve, kërkoj informacion rreth dëmeve që janë bërë.

Erbilin Meliqi thekson:-banorët e fshatit Rezhancë kanë bërë kërkesë që rruga në vendin e quajtur Vakëf me u rregulluar deri te vendi i quajtur Kodra e Faslisë sepse është dëmtuar për shkak reshjeve të shiut

Mehmet Ballazhi thekson:- sa i përket pyetjes që ja ke parashtruar zyrtarit ligjorë nuk e di saktë por edhe afatin se kur duhet me tu përgjigjur por besoj që ka afat dhe për shkak të volumit të punëve nuk ka mundur deri më tash me ua kthyer përgjigjen. Sa i përket reshjeve të fundit të breshrit, komisioni për vlerësimin e dëmeve është duke vazhduar dhe janë në teren por e kemi shtuar numrin e anëtarëve të komisionit për shkak numrit të madh të kërkesave 835 e që për secilin parashtrues të kërkesës është dashur me shkuar dhe me i verifikuar dëmet që janë shkaktuar nga breshëri dhe të gjitha ato fakte me dëshmi që i kanë mbledhur në koordinim me komisionin shtetërorë të vlerësimit të dëmeve pastaj bëhet një vlerësim real. Që në fillim kemi deklaruar që komuna nuk ka buxhet për këtë çështje dhe në takimin që e kemi pasur me komisionin shtetërorë të vlerësimit të dëmeve kemi kërkuar që së paku t'i mbështesë bizneset dhe ekonomitë familjare. Rruga në vendin e quajtur te Qarrat është dëmtuar por do t'i shohim mundësitë buxhetore.

Natyra Kalisi thekson:-sa i përket pagesës së këshillave të fshatrave jemi në proces për me gjetur formën e duhur.

Nora Xhoni thekson:- e shohë që te parku te Lepenci është duke u mirëmbajtur me një sistem të ujitjes dhe nuk e di a është e njëjta edhe për te parku "Isa Berisha". Është sezona e dasmave dhe është mirë me bërë një apel për shkak se fluksi i qytetarëve rritet ku do dhe është mirë që përmes KKSBB-së me i rekomanduar policisë që me pasur më shumë kujdes

Mehmet Ballazhi thekson:-edhe pse temperaturat janë të larta jemi munduar me mirëmbajtur parkun përmes një zgjidhjes mekanike për ujitjen e parkut që po merren edhe qytetarë vullnetarë por edhe ata të cilët janë të thirrur për këtë punë. Parku te Lepenci mirëmbahet më mirë për shkak se është hapësira më e vogël, ndërsa çështja e dukurive vandaliste është një problem në veti që gjithë secili është mirë me kontribuar ne vetëdijesim që mos me i dëmtuar te parku. Sa i përket sezonës së dasmave jemi në kontakte me policinë për këtë çështje.

Hyriete Isufi thekson:- lagjja jonë ka probleme me çështjen e ujit dhe nuk e di ku është problemi por edhe kur lëshohet uji kjo pjesë nuk ka ujë.

Xhevahir Dernjani thekson:- te drejtoria e arsimit çfarë është punuar më tepër për rregullimin e infrastrukturës shkollore.

Malik Berisha thekson:-orët e kujdestarisë së natës në QKMF a do të hyjnë në pagesë. Për shtimin e numrit të stafit a ka diçka konkrete.

Hisni Luri thekson:-gjatë këtyre viteve në drejtori të arsimit në rregullimin e infrastrukturës shkollore janë bërë këto punime duke filluar prej suvatimit të pjesshëm lyerja me ngjyrë adekuate pjesa e brendshme e shkollës fillore "Ilaz Thaçi", rregullimi i korridoreve me vinyl, muri mbrojtës dhe rregullimi i banjove në shkollën fillore "Ilaz Thaçi paralelja në fshatin Seçishtë, rregullimi i shkallëve hyrëse dhe emergjente në shkollën e mesme të lartë "Dardania" krijimi i kabinetit të biologjisë, shkallët emergjente, rregullimi banjove në shkollën e mesme të ulët "Kështjella e Diturisë", rregullimi i shkallëve emergjente dhe ndërrimi i dritareve te aneksi i rijë, krijimi i kabinetit për histori dhe gjeografi, ndriçimi i klasave, rregullimi i tabelave të zeza në të bardha, lidhja e aneksit të shkollës me sallën e sporteve, në shkollën fillore "Veli Ballazhi" është bërë suvatimi i pjesshëm dhe lyerja e shkollës nga jashtë, rregullimi i parkingut për mësimdhënësit, rregullimi i shkallëve emergjente, rrethojat rreth sallës sportive.

Kimete Kuka –Hasallari thekson:- sa i përket orëve të kujdestarive unë nuk jam në dioni që nuk janë tu paguar por realisht jemi duke i paguar sipas Ligjit të ri të pagave dhe nëse dikujt nuk ju ka paguar kërkesa orientohet te drejtori i QKMF-së dhe përcillen tek unë për rimbursim të atyre orëve që kanë mbetur pa u paguar. Sa i përket numrit të pozitave nga vitin 2009 e deri në vitin 2024 Ministria nuk na ka lejuar por përveç një pozitë që e kemi orientuar për stomatologun që ka qenë më se i nevojshëm. Vullneti jonë është për me pasur staf për shkak se jemi në mungesë sepse gjysma e buxhetit të shëndetësisë po shkon me rekrutimin e marrëveshjeve që po bëhen me Islamik Reliefin dhe me Karitasin.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:11

Procesmbajtësi

Ayni Bushi



Kryesuesi i Kuvendit

Florim Shkreta

